

常昭合志稿卷第一

疆域志

敘曰吳郡古列蠻服僻介江左吾邑地尤瀕海惟虞山見於越絕書梧桐園載於述異記餘則舊迹湮沒曩籍無徵洎乎漢吳設官權鹽降及晉宋建縣置令自是厥後史志乃稍稍可考而分并沿革猶難詳晰唐宋並隸蘇州已列紫望大縣而盧鎮琴川續志既亡元代百餘年間事蹟又復闕如至明初蘇州府為畿輔要郡吾邑又為府治後戶

界文懿重築縣城記曰常熟北枕大江東漸瀛海實惟府治後戶經畧疏密厥係匪輕方與紀要曰福山東通海北枕江與通州相直為控禦要地縣境之門戶吳郡之重險也

其時文獻遞興記述明備

常昭合志稿卷一

疆域

一

而凡邑令之所管轄始確然可指今據舊志所紀參之前史稽諸公牘舉歷代之建置沿革兩邑之四至八到以及水陸分界備書焉為疆域志

常熟昭文兩縣同城而治

東北濱江海西界江陰西南界金匱南界長洲東南界新陽東界太倉廣約九十里袤約百里

禹貢為揚州之域

星野之說揚州之域值斗宿蘇郡為斗六度星紀之次常昭入斗六度二十九分起至六十分北極出地三十一度一十二分南極入地同

周爲吳國之北境

有梧桐園鳴琴川諸遺蹟 府志越滅吳其地入越後一百

三十年楚滅越盡取吳故地封春申君黃歇于吳

秦爲會稽郡吳縣地

元和郡縣志秦置會稽郡於吳

漢爲吳縣之虞鄉

慶元舊志漢會稽郡吳縣有虞鄉

後漢屬吳郡吳縣置司鹽都尉於南沙

元和郡縣志順帝永建四年割浙江以西爲吳郡 通典漢

置司鹽都尉於海虞西北南沙鄉

常昭合志稿

卷一

疆域

二

三國孫吳南沙亦名沙中黃武中置虞農都尉於虞鄉

吳志孫權傳注孫權時令暮舉火於西陵鼓三竟達吳郡南

沙 宋書州郡志南沙吳時名沙中 陸道瞻吳郡記吳析

吳縣之虞鄉置虞農都尉

晉以虞鄉爲海虞縣屬吳郡割南沙鄉屬毘陵郡暨陽縣

晉書地理志吳郡十一縣 太平寰宇記晉武帝分吳縣置

海虞縣屬吳郡 唐陸廣微吳地記晉建安二年分吳郡虞

鄉置海虞縣 宋書州郡志晉平吳立暨陽縣割南沙屬之

吳郡記海虞縣西六里有虞山

東晉割海虞境立郟胛利城三縣尋移去旋以南沙鄉爲南沙

縣屬晉陵郡

晉書地理志永嘉之亂流人相率過江淮元帝並僑立州郡以司牧之割吳郡之海虞北境立郟胸利城爲南東海郡輿地志晉元帝以海虞北境之士山立利城以處流民宋書州郡志晉穆帝永和申移郡出京口郟等三縣亦寄治於京太平寰宇記成帝置南沙縣屬晉陵郡通鑑注今常熟縣福山鎮之地卽東晉之南沙

宋因之

宋書州郡志吳郡海虞合晉太康四年分吳縣之虞鄉立晉陵郡南沙合本吳郡司鹽都尉署晉成帝咸康七年罷鹽署

常昭合志稿

卷一

疆域

三

立

齊因之旋分其地置海陽縣

南齊書州郡志海虞屬吳郡南沙海陽屬晉陵郡府志海

陽廢縣在縣北永和初移郟胸利城出京口蕭齊於其地置

海陽縣屬晉陵郡

梁屬信義郡旋以南沙縣置常熟縣

舊志引梁書天監六年分婁縣置信義郡領海陽前京信義

海虞興國南沙元和郡縣志梁大同六年以南沙置常熟

縣太平寰宇記同舊唐書地理志梁置常熟縣今崑山縣東一百

三十里常熟故城是也

府志云按今縣在崑山西七十里舊縣當在崑山西北舊唐志作東恐誤

陳因之

隋書地理志梁置信義郡隋平陳始廢

隋開皇九年平陳廢吳郡為蘇州并海虞等縣於常熟以常熟置常州旋移常州治晉陵常熟復為縣屬蘇州大業三年蘇州復改為吳郡常熟仍屬焉治南沙城

隋書地理志常熟舊曰南沙隋廢信義郡并所領海陽前京信義海虞與國南沙入焉 元和郡縣志隋平陳廢晉陵郡

於常熟縣置常州因縣為名後割常熟縣入蘇州移置常州理於晉陵 隋書地理志吳郡統縣五吳崑山常熟烏程長城 舊唐書地理志常熟縣隋治南沙城

常昭合志稿 卷一

疆域

四

唐屬蘇州為緊縣治海虞城

唐書地理志蘇州吳郡縣七常熟緊 元和郡縣志常熟縣

緊南至州一百里本漢吳縣地武德七年移理海虞城今縣是也 按吳地記海虞縣至唐貞觀九年改常熟縣與他書所記不合 元豐九域志常熟縣

在蘇州北七十五里

五代時屬吳越

五代史職方考自浙東西十三州為吳越 江南通志五代

時縣屬蘇州為吳越錢氏地

宋屬平江府為望縣

文獻通考政和中升蘇州為平江府 宋史地理志平江府

領縣六常熟望 元豐九域志常熟以緊縣為望縣

元升為州屬平江路

元史地理志平江路州四常熟州中 管志元貞二年望縣

例升州自是縣升為常熟州 元史作元貞元年

明復為縣屬蘇州府

明史地理志洪武三年復州為縣改平江路為蘇州府領州

一縣七 又云萬厯末避諱改曰嘗熟 南畿志宏治十年

析常熟雙鳳鄉隸太倉州 管志巡撫朱瑄等奏割縣東境

直塘雙鳳沙頭橫涇并崑山嘉定地置太倉州 按并割塗松穿山陸河花

橋市李家市諸地

常昭合志稿 卷一

疆域

五

國朝因之雍正四年析常熟之東境置昭文縣 取子游文學鄉里為名

雍正二年兩江總督查弼納等疏請分蘇松常三府之大縣

事下九卿會議議應如所請 議云江南為財賦重地而蘇松常三府之州縣尤為繁劇一州

縣之錢糧多者至四十餘萬少者不下二三十萬兼之民情巧詐訟獄繁多為牧令者即有肆應之方亦難治理今該督

撫請將蘇州府屬之長洲吳江常熟崑山嘉定五縣太倉一州松江府屬之華亭婁縣青浦上海四縣常州府屬之武進

無錫宜興三縣凡十三州縣各分為二夫以難治之地責之一人雖長才不能兼領分而為二但勤職即可奏功此誠因

地制宜之良法也 應如該督撫所請 得 旨依議四年遂定常熟知縣為繁疲

難題缺昭文知縣為繁難選缺

右疆域之建置沿革

常熟縣境東至迎恩橋百餘步與昭文縣分界西至感化鄉江

陰縣界七十里南至吳塔長洲縣界四十里北至福山港抵
大江四十里東南至石牌灣崑山縣界五十里西南至楊尖
鎮金匱縣界四十里東北至耿涇昭文縣界四十五里西北
至烏沙港江陰縣界八十里府志

昭文縣境東至白茆口太倉州界八十里西至炳靈公廟常熟
縣界半里南至斜塘新陽縣界四十里北至耿涇口常熟縣
界四十里東南至太倉州界四十五里西南至蓮登浜常熟
縣界三里東北至徐六涇口六十五里西北至福山塘常熟
縣界一里府志

今合常昭兩縣境約畧統計北至福山口約四十里東至歸家

常昭合志稿 卷一

疆域

莊太倉州界約五十餘里南至吳塔長洲縣界約四十里西
至鄧莊金匱縣界約四十里東北至鏞脚港太倉州界約六
十餘里東南至潘涇太倉州界約五十餘里西南至宛山蕩
金匱縣界約三十餘里西北至界涇口江陰縣界約五十餘

里按舊志曰縣境定於隋開皇中至明初計地廣九十里袤
一百里東至苜草浦抵大海一百四十里西至感化鄉鄧
莊村抵江陰界四十里南至歸政鄉吳塔村抵長洲界三十
六里北至福山港抵大江四十里此縣境之四達止也東南
五十里入崑山縣界曰花瀆口東北一百有十里入崑山縣
界曰浪港浦西南五十里入金匱縣界曰界涇關東北七十
二里抵許浦西北六十里抵江陰縣界曰浴瀆港亦曰赤岸
此縣境之四隅止也嘉靖十七年再定太倉崑山常熟境東
至太倉州十六都其界曰潘涇至十五都其界曰瞿塘東南
至崑山縣二保其界曰淘沙涇東北至六河墅其界曰鏞脚
浦北廣袤五百十有三里云云所言縣境定於隋不知何據
其計里亦多不合至請東北一百十里入崑山界尤謬以言

未相沿已久仍錄而附辨之

右縣境之四至八到

按吳地記後集之常熟縣境東西九十里南北一百里是宋代與今畧同

常熟昭文

兩縣分界

北起耿涇口以河為界南入鹽鐵塘向西自

花莊轉南過王市又南行轉西過崔浦口又南行轉西入蘆

荻涇西南入新涇又由慈姑浜入坊浜西出福山港由港內

南至羅家塘口又東至楊樹濃東南出小橋入耿涇又南進

哮塘口又西出福山港南抵鎮海門水關

舊志云分縣時定議以河為界北以

耿涇南以黃涇俱取大河全身為界則徑直分明後因新縣附郭卑薄故於福耿二塘之間割坊浜以南一段屬新縣遂成相錯之勢入城自鎮海門南逾通江橋至炳靈公廟南循大街

入東子游巷逾醋庫橋歷河東街顯星橋跨塘東至迎春門

常昭合志稿

卷一

疆域

七

水關出城經聚奎塔下進黃涇東南過落星港口又過南前

港下宅洪大洪諸口至七星橋入新開洪東過儒家浜口又

東北過尤涇口出白茆塘由塘內南過香界涇口大黃浜口

又東過廟涇口東南逕蓮涇南至山前嘴轉東由黃姑浜至

李市轉南由東山涇過唐洞涇口又東南過鹿涇口入七浦

塘西南過爛甲河口又西南至石牌灣南抵南界河右為常

熟左為昭文南與新陽縣交界

按山迎春門通河橋陳范兩市以河為界東南至戈莊七

星橋以東西分界又東自新開至鮎魚口南北分界又東南至蓮涇李市進山涇又東西分界自山涇西由石牌灣出七

浦又南北分界

常熟縣境北西南界 北起耿涇口西北至界涇口

言志云至浴瀆河誤

皆濱大江西與江陰接界由河內西南至界涇橋西即江陰之陽庫

南至西唐市此下言志云過河山壩涇黃泗浦進三條河東抵樊家壩由界岸陸行里許至界墩過嚴塘南

過下市西西南抵官祿塘又南逕闌干橋西之橫塘折向東南曲折至嚴

塘之李家橋西南過泄水塘抵顧山之東官祿塘以上俱與江陰交界

由顧山東南過王莊此下言志云由段內水陸兼行南出北舍口過羊尖市又南逕東

河塘至楊尖鎮折向西過陶魚橋南至大成橋言志作大仁橋此下云南

下苑山蕩東逕宣家蕩釣渚渡王家蕩西自米蕩東自米蕩又東過白衣河又東至界涇關又東南入陸

家蕩苑山蕩逕釣渚渡謝埭橋至界涇關曲折至釣鉤灣以上

均與金匱交界由釣鉤灣南至同港涇東南逕錢舍涇過元和塘言志

則云由田釣鉤灣東至十字港口轉南過談家壩東北逕潰涇又東逕陶舍涇抵界岸東逕莊浜南入銅港又東由錢舍涇

常昭合志稿 卷一 縣城 八

出元入新涇港界河折而北入草長涇抵新安塘言志則云東入南陶

蕩北抵新安塘過壩又東稍北即沼涇與蛇涇界河由蛇涇入畢澤言志

則云東北過沼涇底山界岸陸行抵濟民塘北入蛇涇東過時涇塘至鬼浜以浜東大荒岸為界循朱家浜北岸東逕畢澤

南逕進寶涇又東入黃涇以上俱與長洲交界由黃涇而東又南至

西界牌涇過尤涇言志則云又起黃涇南之強湖口東逕由西湖涇趙涇南入界涇又東過尤涇

東界牌涇逕斗門涇折向東北至石牌市以上俱與新陽交界按言志以毛沙

塘為常昭分界處與現在不合

昭文縣境北東南界 北起耿涇口東至鐳脚港皆濱內海東

與太倉接界由鐳脚港口而南復從陸地曲折向西至六和

市循錢涇西南逕管段涇沿湖漕復東南折循橫塘張涇逕

陳涇口至進賢涇循而西南至歸家莊東又轉東循渠涇由
陸地西北折至外界涇復繞毛漕之東南曲折抵陸涇又由
陸地向東南曲折抵七浦塘循塘而東與太倉直塘鎮交界
南循吳塘轉而向西南曲折循潘涇以上俱與太倉州交界又由潘涇
曲折循時家港向西北至鷺腸涇口卽轉向西南循南斜塘
抵毛沙塘口又西北循七浦塘抵石牌市以上俱與新陽交界言志昭境祇記
界河不足參考按初議分縣時疆吏欲南北分治陳司業祖范建議
言其不便其議曰周禮序官首云惟王建國辨方正位體國經野王制邑度地以居民地邑民居必參相得形而不絕也離者絕而不續也此皆古聖人經世要旨也邇者聞制府有分設十三縣之請方候旨舉行而常熟所分之縣卽福山小城建廟宇焉夫利不什不變法害不什不易制

常昭合志稿

卷一

疆域

九

分縣之利未見而害頗多端然非草茅所敢言也孰分言分
似宜卽城中另設一署如長吳兩縣東西分轄倉廩不必更
造釐序不必更立市肆不必更張民之輸將控訴者仍不易
所則在官有分理之逸在民無分給之擾不勞民不傷財更
制之善者也福山僻在海隅現受海災平地水深三尺營作
新邑竊恐有後患卽欲別建治亦不宜在彼然上臺既有定
見亦非草茅所敢言矣請就福山而言分土之法古者建國
必度土中爲其四方貢賦道里均也建邑亦然常熟治四境
之中東西南北遠者不過四十餘里今也割其半則常以虞
山爲樞循山而西以浪澄塘爲界循山而東以梅李塘爲界
不足則以縣治東之白茆港抵徐陸涇爲界凡在虞山之陽
者東南西南仍隸常熟凡在虞山之陰者東北西北割隸福
山如此則管轄近而道里均矣今聞欲斜跨西南以州塘爲
界而四十九都等處反舍近而隸遠是周禮所謂華離之地
也非辨方正位地邑民居必參相得之道也何則四十九都
等處到常熟南門水路五十里又四十里而後至福山別無
捷徑可通一往反則百七十里矣動涉百七十里而欲其依
限完銀是日日道途也失農業害一矣差吏到鄉其資糧屨
履勞費倍往時則需索民錢必益橫害二矣冬月載米上倉
或遇風雨竟日不得達達又不得卽交卸栖宿無所狼藉道

路存費五斗而致一石其爲毒痛不可深言害三矣民有控訴人命盜賊之事所貴朝聞而夕報也今來告一日矣拘提一日矣柔驗又幾日矣分縣之意本爲地近則力易及効易奏耳今坐福山城遙控四十九都等處愈覺鞭長不及而奏効難也卽上官按圖而稽之毋乃亦有疑於此乎夫數百年輸糧於彼或事在近而赴訴於遠固已牽制擾攘而不便矣盡心於民者爲之公心區畫不計田之肥磽糧之多少於業已不便中重慮其大不便之處勿以一時苟且成干百年不可挽之局使此一方永有向隅之悲則庶乎民之父母哉

後定以東西分治大致採陶編修貞一之議也

其議曰分縣之條議聞諸

道路曰地有肥瘠必配搭而後均愚竊惑之爲是說者爲夫西鄉之有高區而欲割以分屬也邑之東西其北境皆有高區而東鄉又獨多低區割西鄉之高者與東亦應割東鄉之低者與西不割則仍不均割則取田土而瓜分之有是理乎凡東西之高區不同而所以蓄水宣洩之道則一往者蘭陽耿侯嘗大興水利著有成書按而行之則變瘠爲沃在捐顧間而常熟之名可以不虛今以是屬望於賢父母而首以畏難避就爲說是以細民分鬻之習而爲體國經野之規何其

常昭合志稿

卷一

疆域

十

謬也議者徒見連旱四年西鄉被災較甚故視爲畏途設有不幸連歲遇澇則東鄉之爲害亦何異西鄉乎水利修則高低皆可熟水利壞則東西皆可虞不此之問而但顧目前斯亦愚矣然此猶未究極其害也今農家治田同段異邱猶往往以爭水起釁若瓜分兩屬則數里之內便如秦越人之肥瘠而界上之爭有何已時卽有耿侯其人欲爲民興利而咫尺相牽難以措手其或遇災請命亦必觀望推諉此其爲害豈可一二計歟且制府建議分縣固謂分則事減若西鄉耕稼穡姦宄必多每一事發動須會勘至於命案跬步可移東訴未伸西控已至文書紛然奔走不暇兩縣胥役接跡於途從此民間無甯宇矣欲事減而適得紛擾此尤大害也常邑都圖甲分多至數千東西兩分業多更換如更錯縱互置則所在破圖易甲當此辦漕倥偬欲以旬月之間推收量丈胥吏因緣作姦隱占飛灑一二萬金錢必歸若輩之壑而養弊滋甚所謂治絲而棼之也此又目前之害而正蠹吏之所禱祀而求者歟然則爲配搭分割之說者其出於猾蠹無疑矣不佞竊謂天下事本有不能盡均者今分縣爲兩猶以一府而分數縣也推而廣之猶以天下而分十五司未聞以雲貴之瘠分配江浙之肥何則地勢固然非可強同也爲國家牧小民就令高下迥殊亦惟所命之况如吾邑東西互有肥瘠大

畧相常今止就詳憲原圖稍加損益卽未能銖兩無差然亦不甚懸絕君子爲政務宏大綱而不必算及米鹽務規久遠而不必爭於目睫惟執事深察地方之所便安而毋惑於猾蠹之說謹條分縣事宜如左 一議大勢常邑地形北高南利以東西分不利南北分若交叉搭配不問而知其不可一議疆界體國經野疆里爲先必得大勢方幅界址分明則管轄易而姦弊少宜北自耿涇海口爲界南入坊浜出福山塘至北水門南出小東門外河涇戈莊西南出崑承湖沿湖而南轉東入洋浩涇史家浜南入廟涇又東至儒家浜又東至羅家浜南涇唐墅入尤涇出斜堰抵崑山界 一議城南倉廩兩縣旣以東西分界在城亦如之當就通衢勒石使平直易曉不當仍以圖分分參差錯互致臨事推諉姦民得以避就邑中原有東西兩倉各就便分管至濟農一倉向爲春辦白糧之所應照舊公用 一議湖山常邑東西兩湖濱湖舊有敵樓設立巡船防緝盜賊應東西各轄其一華蕩與西湖相連鎮山全在西城並宜專歸西縣 一議市鎮常邑大鎮有四在東者曰梅李支塘在南者曰唐墅在西者曰田莊其他二三百戶者東西錯雜不下十數西縣原議止有田莊一鎮今酌以唐墅之河西益西縣戶口大畧相當而黃涇以

常昭合志稿

卷一

疆域

七

東尤涇以西水田二百餘頃亦應西屬以補瘠區 一議沙洲常邑在江海之交東曰薛家沙在海中去岸八十里西曰福長壽沙在江口去岸十餘里薛家沙應屬東縣福長壽沙應屬西縣不特地勢宜然而薛家沙糧重累多福長壽沙糧輕累少以薛家沙歸東縣庶與西縣高區相準 一議賦稅常邑舊以四科起則而灘地山塘附焉大抵近海者爲高區地瘠而糧輕近湖者皆低鄉地肥而糧重海濱分轄則高鄉均而旱災則西縣爲甚兩湖分屬則低鄉均而水災則東縣較深如欲有利無害必如耿令之書大興水利而後可否則勢有不能如欲尺寸而計之必使錙銖不爽亦非愚之所能知也 一議差役常邑僻處海濱本無他役惟煙墩馬路時需修葺或遇海上巡閱例應俱備必得彼此適均方無偏重今以耿涇爲界則煙墩四十二座各得二十一座馬路一百三十里各得六十五里最爲均平不可移易

右兩縣疆域之分界

附沙洲

沙洲地面由潮泥淤積而成其始突見於江心農民築圩乃成

田畝但以西場東長爲常或日漸移徙而連於江岸往往月異而歲不同今就近年形勢述其大畧如左

南一洲西與江陰縣分界

分界有河

屬常熟境者地爲三角形南境

鄰烏沙港新莊港黃泗浦港其西南角沿邊一帶爲常興沙稍東爲福興沙又東爲壽興沙又東爲慶凝沙抵海灘西北沿邊一帶爲青屏沙

沙中心地亦隸之

其東爲帶子沙福興沙之北

青屏沙之南爲東盈沙西北一帶濱江之口有北川港范家港北新套三官殿港北紅線港東大套朝日港坍港西南一帶通夾港之口有南川港又港新開港老圩港二圩港七圩港南紅線港和尚港其市鎮則青屏沙常興沙與江陰交界處有更新街福興沙有牛市街壽興沙之北有合興街南有聚南鎮慶凝沙有五集橋

中一洲形斜長如琵琶西北狹而東南廣西北爲盤籃沙東南爲東興沙西南一帶濱江之口有西港南港朝山港東南一帶濱水之口有水洞港雁鴻港夾漈港復興港廟港東港大流漕其市鎮則盤籃沙有雁鴻鎮東興沙西有西港鎮東有安瀾鎮

北一洲與通州及江陰縣分界

與通州分界有常通港與江陰縣分界有朝陽港

屬常

熟境者係東南沿邊一帶地形勢狹長其西爲橫墩沙中爲關絲沙東爲蕉沙濱江之口有南興港定心圩港其市鎮則

關絲沙有南興鎮蕉沙與通州交界處有三興鎮

按諸沙洲皆隸常熟其昭文縣境江海之交亦間有沙

舊志有薛

家沙在昭文境者早坍塌無存

惟潮落則見潮漲則沒尙未圩田並無居民

無憑纂錄卽常熟境諸沙洲田畝定例十年清丈一次或坍

或漲向無一定細數亦不具記